



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 55. Indulgentiarum promulgatio per Pontificis legatum Tridenti facta.

[urn:nbn:de:hbz:466:1-66577](#)

Sæcul. XVI.

A.C. 1552.

§. LV.

Indulgentiarum promulgatio per Pon-
tificis Legatum Tridenti facta.

Sæc. l. c.

Altera Mensis Martii die, quæ eo an-
no erat dies Cinerum, Legatus af-
fixo ad Ecclesiarum valvas diplomate
noxarum remissionem promulgabat pro
omnibus fidelibus, præcipue vero E-
piscopis, Oratoribus, & Theologis,
qui sua peccata Sacra Exomologesi ex-
piantes, designatas Ecclesias Tridenti
præfixis diebus visitarent, ac devote
quinquies precationem Dominicam, &
toties salutationem Angelicam præ-
ter alias precationes pro Principum
Christianorum concordia, Ecclesiæ pa-
ce, ac prospero Synodi successu recita-
rent. Nihilominus Synodus brevi in-
terruptum iri coniiciebant non pauci;
eoquod postrema abhinc Sessione nul-
lum negotium fuisset pertractatum, cu-
jus otii culpa unice in Protestantes rei-
ciebatur, eoquod Patres vana spe la-
ctassent, fore, ut eorum Theologi pro-
xime essent adventuri. Eapropter am-
bo Electores Moguntinus, ac Treviren-
sis Tridento excedere decreverunt, e-
tiam si paulo post ex Germania inferiori
sat copiose ad eorum ditiones annona
fuisset advecta.

§. LVI.